



01/A-50-1-24/12
2012

Broj: 03-50-2-10628-1/12
Sarajevo, 19.04.2012. godine



PRIMLJENO:	25-04-2012		
Organizaciona jedinica	Klasifikaciona oznaka	Redni broj	Broj priloga
01-50-1-15-24/12			

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
ZASTUPNIČKI DOM/PREDSTAVNIČKI DOM

Predmet: Odgovor na poslaničko pitanje, Boško Tomić, dostavlja se
Veza: Vaš akt broj 01/A-50-1-15-24/12 od 20.03.2012.

Boško Tomić, poslanik u Predstavničkom domu Parlamentarne skupštine Bosne i Hercegovine, na 24. sjednici Predstavničkog doma Parlamentarne skupštine BiH, održanoj 15.03.2012.godine, postavio je pitanje Ministarstvu vanjskih poslova Bosne i Hercegovine:

"Kada će doći do ukidanja diplomatskih predstavništava u zemljama gdje nisu postignuti željeni rezultati i efekti, a otvoriti se predstavništva u zemljama gdje imamo veći ekonomski interes?"

U prilogu se dostavlja prijedlog odgovora.

S poštovanjem,


MINISTAR
dr Zlatko Lagumdžija

Broj:03-50-2-10628/12

Datum: 19.04.2012. godine

Boško Tomić, poslanik u Predstavničkom domu Parlamentarne skupštine Bosne i Hercegovine, na 24. sjednici Predstavničkog doma Parlamentarne skupštine BiH, održanoj 15.03.2012.godine, postavio je pitanje Ministarstvu vanjskih poslova Bosne i Hercegovine:

"Kada će doći do ukidanja diplomatskih predstavništava u zemljama gdje nisu postignuti željeni rezultati i efekti, a otvoriti se predstavništva u zemljama gdje imamo veći ekonomski interes?"

Na postavljeno pitanje, Ministarstvo vanjskih poslova Bosne i Hercegovine je utvrdilo slijedeći

ODGOVOR

Bosna i Hercegovina ima 56 diplomatsko konzularnih predstavništava. Od tog broja je četrdeset osam ambasada, šest stalnih misija i šest generalnih konzulata. U skladu sa Ustavom Bosne i Hercegovine, Predsjedništvo Bosne i Hercegovine nadležno je za vođenje vanjske politike Bosne i Hercegovine. Promocija, odbrana interesa i nastupanje u ime Bosne i Hercegovine zasnivaju se na odredbama Ustava Bosne i Hercegovine, zakonima, odlukama i stavovima Predsjedništva Bosne i Hercegovine, Parlamentarne skupštine Bosne i Hercegovine, Vijeća ministara i Ministarstva vanjskih poslova Bosne i Hercegovine. Postojeća diplomatsko konzularna mreža obuhvata većinu evropskih zemalja uključujući i zemlje G7, susjedne zemlje i manju zastupljenost u ostalim regionima svijeta. Međunarodno političko predstavljanje Bosne i Hercegovine kroz bilateralne i multilateralne odnose osigurano je kroz postojeći broj diplomatsko – konzularna predstavništva. Poseban segment su potrebe i interesi bosansko hercegovačkih građana u svijetu što je bio opredjeljujući faktor za opremanje Generalnih konzulata i Konzularnih odjela Ambasada opremom potrebnom za izdavanje biometrijskih putnih isprava. Dvadeset pet lokacija u diplomatsko konzularnim predstavništvima je opremljeno za ove poslove i na istima je do aprila 2012. godine izdato 81353 komada biometrijskih putnih isprava. Pored toga obavljaju se redovne konzularne usluge. Ekonomski efekti su samo jedan od mjerodavnih faktora za otvaranje odnosno zatvaranje diplomatsko konzularnih predstavništava. U ovom postupku Bosna i Hercegovina se prevashodno mora rukovoditi vanjskopolitičkim ciljevima, interesima i prioritetima kao i preuzetim međunarodnim obavezama. Proces zatvaranja ili otvaranja diplomatsko konzularnog predstavništva predstavlja vrlo ozbiljan korak u provođenju vanjske politike

svake države. Odluku o tome donosi najviša instanca države. U daljem radu, Ministarstvo vanjskih poslova Bosne i Hercegovine redovito će izvještavati o analizama svih segmenta poslovanja nadležne institucije Bosne i Hercegovine kako bi iste imale potpun uvid u funkcionisanje i djelovanje Ministarstva i diplomatsko konzularne mreže i u skladu s tim mogli donositi dalje smjernice i odluke o postavljenom pitanju. Ministarstvo vanjskih poslova Bosne i Hercegovine će u realizaciji ovih aktivnosti postupati po odlukama Predsjedništva Bosne i Hercegovine.



MINISTAR

dr Zlatko Lagumdžija